

Papia Jut da Mandagit

But piso gen

Gen on papiagwan toŋ uŋun 2 Pita kon gen toŋ uŋun yombem pali. Uŋun Piŋkop dakon miŋat aminyo Gen Bin Tagisi dakon uwalni da gen yoŋ uŋun do mirak dimasi yopni do yosok. Papia da yaŋ yosok, “Piŋkop da miŋat amin kabini nin nandaŋ gadat kaloŋi kongin atneŋ do yosok. Ae amin kinda da nin da nandaŋ gadat amaŋ uŋun kulabik ariŋmi dima asak.” (Gagi 3 kon koki).

Jut da yoyiŋdet toptopmi do pindak kimotni do yosok. Uŋun da yaŋ yoŋ, Piŋkop dakon nandaŋ yawotni uŋun madepsi do yokwi morap galak tokjikon tagi ani yaŋ yoŋ. Uŋun topsi yoŋ do kaŋ kimotni do yosok. (Gagi 4 kon do koki.)

Ji nandaŋ gadatji do kila aŋek Gen Bin Tagisi dakon uwalni pabiŋ yopni

¹“Nak Jut, nak Yesu Kristo dakon oman moŋjini, ae Jems dakon padige.

On papia uŋun Piŋkop da miŋat aminyo yaŋ damgut ji do mandisat. Piŋkop Dat da but dasi galak taŋ damisak, aŋakwan Yesu Kristo da iyi kilasi tagisi asak.

²Piŋkop da paŋpulugaŋban bupmi aŋpak gat, ae but yawot aŋpak gat, ae amin do but dasi galak taŋ yomyom aŋpak da egip egipjikon madepsi tosak do bisit asat.

Gen Bin Tagisi dakon uwal dakon gen

³Notnonisi, mibiltok nak Piŋkop da nin morap yokwikon baŋ timit do aŋek pi madepsi agit uŋun do papia mandaŋ dam do galagi madepsi nandat, mani abisok gen kinda mandakeŋ yaŋ nandisat uŋun yaŋ: ji nandaŋ gadatji kilani tebaisi aŋek uwalji dakon gen pabiŋ yopni. Piŋkop da nandaŋ gadat kaloŋi on miŋat amini nin do nimgut, do amin kinda da yo nin da nandaŋ gadamaŋ uŋun kulabik ariŋmi dimasi asak. ⁴“Nak gen uŋun dayisat, nido Piŋkop manji imaŋ amin di paŋmuwukbigwan

^a 1 Mt 13.55 ^b 4 Gal 2.4; 2Pi 2.1

pasilikon da kili abin pigeon. Unun amin gen yokwisi yan yon, “Pin kop dakon nandan yawotni madepsi, do yumabi anpak mibili mibili tagi anej.” Unun amin da Amin Tagi Yesu Kristo Kila Amin Madepnin kalonji manji iman, do kalipsigwan Pin kop gen papia da yagit unun da aripmon unuden amin pasildan.

⁵ Ji Amin Tagi da kalip yo agit unun kili nandawit, mani butji pabo pisanban unun do sigin nandani do dayisat. Amin Tagi da kalip Israel amin uwal da kiron ban timikban Isip yipman kiwit. Anek don nandan gadat dima awit amin unun pantasik agit. ⁶ Ae ajelo do nandani. Diwari unun Pin kop da pi yomgut unun ak do dima galak tawit, anek kokupni yipman dekgwit. Yan awit do Amin Tagi da nap teban tebaisi unun ban panteban agit, ae dam teban pilin tuksigwan yopgut da ekwan. Unun Pin kop da kobogi do yo yokwisi yomdisak dakon bisap madep do jomjom anek ekwan. ⁷ Ae Sodom kokup amin gat ae Gomora kokup amin gat ae kokup unun da kapmatjok tawit unun do nandani. Ununyo kisi anpak yokwisi awit. Wili minatyos kisi da yumabi anpak mibili mibili awit, do Pin kop da kindapmon sonban pasilgwit. Unun da mama gen niyinek yan nolisak, yokwi pakpak amin morap kindap kimot kimori mini unjungwan kobogi timitdan.

⁸ Ji dakon nandak nandak panupbal ak do pi an amin ununyo kisi yan gin anpak yokwi an. Dipmin mibili mibili pindagek unun da pantagap aban yumabi anpak anek giptim timni panupbal aba inanis an, ae Pin kop kwen wigik an iminek ajelo tapmimi ton unun do yanba yokwi tok an. ⁹ Maikel unun ajelo morap dakon mibiltok amini, mani unun yan dima agit. Maikel gat Sunduk gat namin da Moses dakon giptim abidosak yan do gen emat agimal bisapmon, Maikel Sunduk do yanba yokwi tok an iminek gen yan imdo si pasalgit. Yan gin yagit, “Amin Tagi da iyi gen tebaisi gayisak dosi nandisat.” ¹⁰ Mani unun amin yo morap mibili dima nandan pison unun do yanba yokwi tok an. Unun bit kilapyo buri mini yombem da giptim dakon galaktok yolgan. Unun anpakni da obisi panupbal an. ¹¹ Awa, kan kimotni. Unun Ken dakon anpak an. Unun Balam da agit unuden monej timit do tek kindap an. Unun Kora da agit unuden Pin kop kwen wigik an iman, do wagil pasildan.

¹² Ji but kalon anek jap noknok bisap madepmon yikgan bisapmon unun amin ji da binapmon yikgan unun imal kwakwagikon garak an unun yombem. Mani unun ji gat yigek jap nok do mayagi dima nandan. Unun amin iyi bangin panpulugok dogin nandan. Unun gikwem sikak dima yopba manakwa mirim da pisonba dukwan dukwan kawan unun

^c 5 TP 12.51; IDT 14.29-30 ^d 6 2Pi 2.4 ^e 7 WW 19.1-25; 2Pi 2.6,10 ^f 9 Dan 10.13,21; 12.1; Sek 3.2; 2Pi 2.11; PA 12.7 ^g 10 2Pi 2.12 ^h 11 WW 4.7-8; IDT 16.1-35; 2Pi 2.15; 1Jn 3.12 ⁱ 12 2Pi 2.13,17

yombem. Uñun kindap bami toktok bisapmon bami dima pokgoñ, ae geli walimbil pilikbi, do kosit bamot kimakgit. ¹³Uñun amin tap madepsi tamalikgan uñun yombem. Yokwini dakon mayagi tarak ae sibat sibat da yañ ilerikon noman toñ. Uñun kundukon gik kositni bañ dima yolek akwañ uñun yombem. Do Piñkop da kokup pilin tuk dakon pilin tugisi kili añnoman añ yomgut, uñudon kiñ toktok teban egi wigikdañ.

¹⁴Enok uñun Adam dakon babiknikon da altañban kosiri 7 agit. Uñun da uñun amin yokwi do kombi gen yañek yañ yagit, “Koni, Amin Tagi telagi añeloni tausen morapmi gat apdisak. ¹⁵Abiñek miñat amin morap gen pikon yopdisak. Añek añpak yokwi awit ae gen yokwisi yañ imgwit dakon kobogi yomdisak.” ¹⁶Uñun amin yo morap noman tañ yomañ uñun do nandaba yokwi tok añek gen morapmi yoñ. Uñun iyi dakon butni dakon galaktok yokwi uñun yol do galak toñ. Uñun gen pap yañek giptim pawigik añek iyi dakon man pawikwañ. Añek miñat aminyo uñun pañpulugoni do pañgalak añ.

Nandañ gadatji yipba uñun da butji pañteban asak

¹⁷Mani notnonisi, yo don altokdañ uñun do aesi nandani, uñun Amin Taginin Yesu Kristo dakon yabekbini da kili yañ teñteñañ damgwit.

¹⁸^kUñun da yañ dayiwit, “Mibi gildaron jigilak gen yogok amin noman tokdañ. Añek Piñkop manji imiñek iyi dakon galaktok yokwi yoldañ.”

¹⁹Uñun amin da pañmuwukbi pañwasañ. Uñun miñtim dakon galaktok bañgin yolgañ. Telagi Wup uñun aminon dima egisak.

²⁰^lMani notnonisi, ji bisapmi bisapmi nandañ gadatji Piñkop da iyi ji do damgut uñun yipba uñun da butji pañteban asak. Ae Telagi Wup da tapmimon bisit ani. ²¹Piñkop da ji do but dasi galak tañ damisak, do uñun da kapmatjok egek bisapmi bisapmi Amin Taginin Yesu Kristo do jomjom añakwa bupmini nomansi añalon añakwan egip egip teban abidoni. ²²Nandañ gadatni dima teban tañbi amin do bupmi nandañ yomni. ²³^mAe amin diwari kindapmon ekwañ, do ji tepmisi yokwikon bañ timitni. Ae diwari do bupmi añpak añ yomni bisapmon, yokwikon gepni yañ do kañ kimagek pasol pasol gat kisi ani. Uñun but kalip dakon añpak yolek garak gin awit. Ji yo morap Piñkop da dabilon garagi tagi uñun da dubagikon egipni.

Nin Piñkop dakon man awiginen

²⁴Kili nak Piñkop añkisasi. Tapmimni madepsi, do kilasi añakwan aripmi dima mokdañ. Uñun da timik pañki depban iyi gat tilimnikon egek gulusuñji mini ae kisik kisik madepsi tañ damdisak. ²⁵ⁿUñun kalon

j 14 WW 5.18,21-24 k 18 2Pi 3.3 l 20 Kol 2.7 m 23 Sek 3.2; PA 3.4 n 25 Ro 16.27; 2Pi 3.18

dagin Pinƙop egisak. Aŋek Yesu Kristo Amin Taginin da pi agit uŋun do aŋek nin yokwikon baŋ timikgit. Do mani awigineŋ. Uŋun Kila Amin Madep egisak, ae tapmim madepni taŋ imisak, ae yo morap dakon busuŋi egisak. Wasok wasogikon yaŋ egipgut, ae abisok kisi yaŋ gin egisak, ae don bisap morap kisi yaŋ gin egipdisak teban. Uŋun asi.